

SLUŽBENI GLASNIK OPĆINE BREZA

Godina V Broj: 4

Breza, 12.05.2003.godine

Na osnovu člana 5. stav 1. Zakona o lokalnoj samoupravi ("Službene novine ZE-DO kantona", broj 13/98 i 8/00) i člana 5. Statuta Općine Breza ("Službeni glasnik Općine Breza", broj 1/99, 4/99, 7/99) Općinsko vijeće Breza na sjednici održanoj dana 30.04.2003. godine, d o n o s i

O D L U K U **o upotrebi grba općine Breza**

I - OSNOVNE ODREDBE

Član 1.

Ovom Odlukom utvrđuje se upotreba grba općine Breza (u daljem tekstu: općina).

Član 2.

Grbom općine predstavlja se općina i izražava pripadnost općini.

Član 3.

Grb općine upotrebljava se u skladu s odredbama ove odluke na način kojim se ističe ugled i dostojanstvo općine.

Član 4.

Isticanje grba općine s grbom Bosne i Hercegovine, Federacije Bosne i Hercegovine i Zeničko-dobojskog kantona, vrši se u skladu sa zakonima Bosne i Hercegovine, Federacije Bosne i Hercegovine i Zeničko-dobojskog kantona, kojima je regulisana upotreba grba.

Član 5.

Grb općine može se upotrebljavati samo u obliku i sadržini utvrđenim Odlukom o grbu općine Breza.

Član 6.

Original grba općine čuva se u Stručnoj službi Općinskog vijeća i prema njemu se vrši oblikovanje grba.

Član 7.

Grb općine se ne može upotrijebiti kao robni ili uslužni žig, uzorak ili model, niti kao bilo koji drugi znak za obilježavanje robe ili usluga.

Član 8.

Upotreba grba općine slobodna je u umjetničkom stvaralaštvu, ili odgojno-nastavnoj svrsi, pod uslovom da se time ne vrijeđa ugled i dostojanstvo općine.

Član 9.

Grb se ne može upotrebljavati na javnom mjestu ako je oštećen ili svojim izgledom nepodoban za upotrebu.

Oštećeni ili za upotrebu nepodoban grb se povlači iz upotrebe.

II - UPOTREBA GRBA OPĆINE**Član 10.**

Grb općine obavezno se ističe:

1. u službenim prostorijama i natpisima na zgradama gdje su smješteni općinski organi;
2. u službenim prostorijama javnih preduzeća i javnih ustanova i drugih pravnih lica čiji je osnivač općina Breza;
3. na zvaničnim pozivnicama, čestitkama, zahvalnicama i sličnim aktima koje koristi Općinsko vijeće i Općinski načelnik;
4. na Regionalnom putu broj 444 (Podlugovi-Vareš) na graničnom području Općine Breza sa propratnim tekstom iznad grba tekst "Općina Breza", a ispod grba "Dobro došli",
5. u drugim slučajevima u skladu sa zakonom.

Član 11.

Grb općine može se isticati:

1. prilikom međunarodnih susreta, takmičenja i drugih skupova (političkih, naučnih, kulturno-umjetničkih, sportskih i dr.), na kojima općina učestvuje;
2. u drugim slučajevima, ako njihova upotreba nije u suprotnosti sa zakonom i ovom odlukom.

Član 12.

Ako se grb općine ističe na teritoriji općine zajedno s jednim ili više domaćih ili stranih grbova, izuzev u slučajevima iz člana 4. ove odluke, grb općine nalazi se na počasnom mjestu, i to:

1. u sredini kruga, sprijeda gledano, ako su drugi grbovi i amblemi poredani ukrug;
2. u sredini polukruga, sprijeda gledano, ako su drugi grbovi i amblemi poredani u polukrug;
3. na čelu kolone, drugih grbova, ako su drugi grbovi i amblemi poredani u koloni;
4. na čelu grupe drugih grbova ako su grbovi poredani u grupe;
5. na desnoj strani, sprijeda gledano, od grba strane države ili međunarodne organizacije koji se ističu u centru.

III - KAZNENE ODREDBE

Član 13.

Novčanom kaznom od 50 do 1.000 KM kaznit će se za prekršaj privredno društvo ili drugo pravno lice, ako:

1. upotrijebi grb općine u obliku ili sadržaju suprotno odredbama člana 5. ove odluke;
2. upotrijebi grb kao znak za obilježavanje robe ili usluge (član 7.);
3. upotrijebi grb općine suprotno uslovima iz člana 8. ove odluke;
4. ako na javnom mjestu upotrijebi grb općine koji je oštećen ili je svojim izgledom nepodoban za upotrebu (član 9.);
5. ako upotrijebi, odnosno istakne grb općine suprotno odredbama člana 4. i 12. ove odluke;
6. ako ne upotrijebi, odnosno ne istakne grb općine u skladu s odredbama člana 4. i 12. ove odluke.

Za prekršaj iz stava 1. ovog člana kaznit će se i odgovorno lice u privrednom društvu ili drugom pravnom licu, novčanom kaznom od 50 do 500 KM.

Član 14.

Za prekršaj iz člana 14. stav 1. ove odluke, kaznit će se obrtnik, novčanom kaznom u iznosu od 50 do 300 KM.

Za prekršaj iz člana 14. stav 1. tačka 1., 2., 3. i 4. ove odluke, kaznit će se pojedinac, fizičko lice novčanom kaznom od 50 do 100 KM.

Član 15.

Ova Odluka stupa na snagu osmog dana od dana objavljivanja u "Službenom glasniku Općine Breza.

Broj: 01/1-02-1036/03
Breza, 30.04.2003.

PREDSJEDAVAJUĆI
Općinskog vijeća
Jakub Dinarević, s.r.

.....

Na osnovu člana 27. stav 2. Zakona o prometu nepokretnosti ("Službeni list SRBiH", broj 38/78, 4/89, 29/90, 22/91) i ("Službeni list R BiH", broj 21/92, 3/93 i 18/94) i člana 92. stav 3. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza, na sjednici održanoj dana 12.03.2003. godine, d o n o s i

ODLUKU

**o dodjeli Sportsko-rekreacionog centra "ADA" u Brezi na
privremeno korištenje RMU Breza d.o.o. Breza.**

Član 1.

Dodjeljuje se Sportsko-rekreacioni centar "ADA", u Brezi koji se nalazi na zemljištu označenom kao k.č.br. 686/124 k.o. Smrekovica (s.p.) što odgovara k.č.br.

552 k.o. Breza (n.p.), upisan u posjedovni list broj 136/02 na privremeno korištenje RMU Breza d.o.o. Breza, **na period od 5 godina.**

Član 2.

Način korištenja i obaveze korisnika regulisat će se posebnim ugovorom.

Član 3.

Za realizaciju ove odluke i zaključivanje ugovora zadužuje se općinski načelnik.

Član 4.

Ova odluka stupa na snagu narednog dana od dana objavljivanja u "Službenom glasniku Općine Breza.

Broj: 01/1-02-1099/03
Breza, 12.05.2003. godine

PREDSJEDAVAJUĆI
Općinskog vijeća
Jakub Dinarević, s.r.

• • • • •
BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA BREZA
- Općinsko vijeće -

Broj: 01/1-02-1100/03
Breza, 12.05.2003. godine

Na osnovu člana 50. stav 3. Statuta Općine Breza, ("Službeni glasnik" broj 1/99, 4/99, 7/99), prilikom razmatranja dopisa Nogometnog saveza Bosne i Hercegovine u predmetu izgradnja fudbalskog sportskog centra Nogometnog saveza BiH, Općinsko vijeće Breza na sjednici održanoj dana 12.05.2003. godine donosi

ZAKLJUČAK

I

Da se nastave aktivnosti na izgradnji Sportskog centra Nogometnog saveza Bosne i Hercegovine u Brezi.

II

Zadužuje se Komisija Općinskog vijeća u sastavu:

1. predsjedavajući Općinskog vijeća,
2. općinski načelnik,
3. Sulejman Mamela,
4. Sead Smailbegović,
5. Ahmed Čiva,
6. Vinko Pandža.

da dana 13.05.2003. godine posjete prostorije Nogometnog saveza BiH i utvrde predmet ugovora (pomoćni ili kompletan stadion, ključne odredbe ugovora, vrijeme korištenja, način korištenja Nogometnog saveza BiH i Fudbalskog kluba

"Rudar" Breza, kao i imovinske odnose između Općine Breza i Nogometnog saveza BiH).

III

Nacrt ugovora u što kraćem roku podnijeti Općinskog vijeću na ratifikaciju.

IV

Zadužuje se Stručna služba Općinskog vijeća da pripremi Informaciju o postupku i načinu izgradnje istog objekta u Orašju.

V

Po realizaciji tački zaključka nastaviti sjednicu Općinskog vijeća.

DOSTAVLJENO:

1x Predsjedavajući Općinskog vijeća,
1x Općinski načelnik,
1x Sulejman Mamelja,
1x Ahmed Čiva,
1x Sead Smailbegović,
1x Vinko Pandža,
1x 01/1,
1x Arhiva.

PREDSJEDAVAJUĆI

Općinskog vijeća
Jakub Dinarević, s.r.



S A D R Ź A J

- 36. Odluka o upotrebi grba Općine Breza.
- 38. Odluka o dodjeli Sportsko-rekreacionog centra "ADA" u Brezi na privremeno korištenje RMU Breza d.o.o. Breza.
- 39. Zaključak o formiranju Komisije da se nastave aktivnosti na izgradnji Sportskog centra Nogometnog saveza Bosne i Hercegovine u Brezi.

